



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

§. 2. De Intentione Ministri, ac Suscipientis, & qualis ad valorem  
Sacramenti requiratur.

**urn:nbn:de:hbz:466:1-40873**

§. 2. De Intentione Ministri, ac suscipientis, & qualis ad valorem Sacramenti requiratur.

**D**ico primò: Intentio Ministri essentiam Sacramenti necessariò ingreditur.

Probatur ex principio generali. Illud est de rei essentia quo sublatō, cæteris permanentibus, tollitur rei essentia. Sed sublatā Ministri intentione, manentibus rebus & verbis, perit essentia Sacramenti, ergo illa Sacramenti essentiam ingreditur. Minor patet ex Trid. sess. 14. cap. 6. ubi de Sacramento Pœnitentiae docet, et si reliqua adhuc, nihil fieri. si Sacerdoti desit animus verè absolvendi. Hinc etiamsi Sacerdos super hostiam aut calicem formam Consecrationis debitè pronunciet, si careat intentione consecrandi, nihil efficiet: & sic de cæteris.

Objicies primò: Nihil intrinsecè requiritur ad constitendum quodvis compositum præter materiam, formam, & unionem, quæ inter se copulantur. Ergò nec ad Sacramentum aliud desideratur quam materia, & forma, & debita utriusque coexistentia.

Respondeo, Intentionem Ministri se tenere ex parte formæ, nam ad formam Sacramenti non instituit Christus verba quoquinque modo prolatæ, sed simili cum debita intentione conficiendi Sacramentum.

Objicies secundò: Intentio Ministri aliquando est peccaminosa: ergo non potest esse pars Sacramenti, quæ gratiam causare debet.

Respondeo neg. consequentiam: quia Sacramentum non causat gratiam aut Deum mo-

vet,

PART 3. TR. 4. CAP. 1. De Sacramentis in comm. 319  
vet, ut est actio Ministri, sed ut est actio à  
Christo instituta, etsi per malum Ministrum  
malè exerceatur. Sicut Deus inclinatur ad præ-  
standam gratiam propter eleemosynam jussu  
Domini concessam, etsi famulus ex mala in-  
tentione illam distribuant.

Objicies tertio: Ergo valor Sacramenti erit  
incertus, si pendeat ab intentione in Ministri  
pectore recondita, & hominibus ignota.

Respondeo negando sequelam: Habebit e-  
nim certitudinem moralem, quam Christus  
voluit sufficere in Sacramentis, non ab Ange-  
lis, sed ab hominibus humano more admini-  
strandis, quibus nihil est facilius quam actioni  
externae intentionem internam adjungere, nisi  
eam ex sacrilego animi decreto ultrò cohibe-  
ant, quod vix de aliquo, nisi bipedum nequis-  
fimo, præsumi potest.

Dico secundò, intentio suscipientis est etiam  
de intrinseca essentia Sacramenti, quod con-  
fertur adulto, præter Eucharistiam, ita Lugo  
hic disp. 2. n. 141. cum communi Doctorum sén-  
tentia. Hujus ratio fundatur in argumento quo  
superiorem thesim stabilivimus.

Dixi, *Sacramenti quod confertur adulto*, quia in  
parvulis, cùm sint rationis expertes, intentio  
nulla requiritur. Addidi, *præter Eucharistiam*,  
quia ad ejus essentiam, & valorem sola requiri-  
tur intentio Ministri confidentis Sacramentum,  
non verò suscipientis.

Sed hic ulterius queritur, qualis debeat esse  
illa intentio Ministri ad Sacramenti valorem re-  
quisita? Pro resolutione.

Dico tertio: Requiritur in Ministro intentio  
saltē faciendi id quod facit Ecclesia, id est,  
ut intendat saltē confusè actionem externam

320 Pars 3. tr. 4 cap. 1. De Sacramentis in comm.  
Sacramenti ponere ob illum finem aut effe-  
ctum , quem Christiani communiter per eam  
actionem obtineri volunt.

Probatur ex Trid. sess. 7. Can. 11. requirente  
in terminis intentionem saltem faciendi quod  
facit Ecclesia , contra Lutherum , Calvinum ,  
aliosque Sectarios , qui volunt solâ actione ex-  
terna perfici Sacramentum , et si Minister ostendat  
se tantum joco verba proferre . Verum  
qui sic operatur non agit more Ecclesiae , quæ  
effectum Sacramenti serio intendit , sed more  
Lutheri aut Calvini , quibus per tales jocos gra-  
tia tantum jocosa debetur .

Quia vero inter Theologos considerari so-  
let triplex intentio , Primo , *actualis* , quæ actu  
existit quando conficitur Sacramentum : Se-  
cundo , *habitualis* , quæ est voluntas præterita ,  
& nondum retractata : Tertio , *virtualis* , quæ  
est quidem præterita , sed persistens in aliquo  
effectu à se posito : Quæritur ; Utra ha-  
rum ad conficiendum validè Sacramentum  
sufficiat ?

Dico quartò : Non sufficit in Ministro in-  
tentio habitualis , sed requiritur saltem vir-  
tualis .

Prima pars probatur : Ideò requiritur aliqua  
intentio , ut actio Sacramentalis sit voluntaria ,  
& humano modo à Ministro exerceatur : Sed  
intentio habitualis , quæ neque in se , neque in  
suo effectu amplius existit , non potest actio-  
nem præsentem reddere voluntariam , cùm ne-  
queat ullo modo eam causare , & efficere ut à  
voluntate dependeat . Ergo nullo modo suffi-  
cit ad Sacramentum .

Hinc , et si heri volueris infantem baptizare ,  
& hodie contingat te inadvertenter aquam illi  
in-

Pars 3. tr. 4. cap. I. De Sacramentis in comm. 321  
inspergere, & formam pronunciare, nullo modo  
validum erit Sacramentum.

Dices, Sufficit in Sacerdote intentio habi-  
tualis ut alteri applicetur fructus sacrificii: er-  
go eadem sufficiens erit ut conficiatur Sacra-  
mentum.

Respondeo neg. consequentiam: quia inten-  
tio habitualis, quæ nullo modo amplius existit,  
potest esse causa objectiva movens Deum ut al-  
teri applicet fructum sacrificii, sed non potest  
esse causa physica, à qua in præsenti profluat  
actio Sacramentalis.

Secunda pars pro intentione virtuali sic pro-  
batur. Quia per intentionem virtualem actio  
Sacramentalis dependet à voluntate Ministri,  
hæc enim est causa cur actio illa exerceatur.

Si quæras, quo modò possit intentio virtualis  
causare actionem præsentem, cum ipsa actu  
præferierit?

Respondeo, non omnino præterisse, vel e-  
nim relinquit aliquem effectum ex quo præfens  
actio procedit, vel certè (quod verius puto)  
post illam perseverat volatio quedam actualis.  
tam tenuis ac remissa, ut agens per actum re-  
flexum non possit illam in se percipere, mentis  
præsertim acie in testalibus distracta. Neque e-  
nim necesse est, ut actus omnes quos elicimus  
reflexè advertamus: alioquin & ipsos actus re-  
flexos percipere oporteret, & in hos iterum  
per alios actus intendore, continuâ serie in in-  
finitum progrediendo, quod dici nequit. Hu-  
ius inadvertientiae experimentum habemus in  
illis, qui ex arte fides pulsant, aut qui aliquid  
describunt, aut legunt, quibus ex istimo in-  
esse actum voluntatis tenuem, ac remissum,  
quo in singulos fidium tactus, & scriptionis

O, apices

322 PARS 3. TR. 4. CAP. 1. De Sacramentis in comm.  
apices actu feruntur, et si ad singulos quos e-  
liciunt actus ipsi non reflectant. Constat e-  
niam illas actiones à voluntate dependere, cùm  
possint pro ejus arbitrio cohiberi, aut conti-  
nuari.

Simili igitur modo dicetur Sacerdos habere  
intentionem virtualem consecrandi hostiam,  
quicunque voluntate celebrandi perrexit ad tem-  
plum, accessit ad altare, & Sacrum legit, et si  
neque in his actionibus neque dum actu con-  
secraret ullam adverterit se consecrandi inten-  
tionem habere.

Dico quintò: In suscipiente sufficit intentio  
habitualis declarata ad valorem Sacramenti.  
Dixi, *ad valorem*, quia hic non agitur de dis-  
positione requisita ad fructum Sacramenti percipi-  
endum, de illa in singulis Sacramentis a-  
getur.

Colligitur assertio ex Cap. Majores, & ex  
Conc. Arausicanò i. Can. 11. ubi dicitur: *Ob-  
mutescens baptizari, aut paenitentiam accipere potest,  
si voluntatis præterite testimonium aliorum verbis ha-  
bet.* Atqui in eo, qui sic obmutuit, sola est  
intentio habitualis, quia tantum est voluntas  
præterita non retralatata, ergo &c. non mutari.

Ratio hujus est, quod intentio suscipientis  
non debeat activè causare actionem Sacra-  
mentalem, sed sola intentio Ministri, suscipiens au-  
tem ad confectionem Sacramenti tantum passi-  
vè se habere solet. Hinc, si aliquis delirans,  
antea petiit v. g. Baptismum, aut Euchá-  
stiam, debet ei in vitæ periculo conferri, quam-  
piendi Sacramenti intentionem actualem, aut  
virtualem.

Quares, An fides, & probitas Ministri re-  
quiratur?

quiratur ad valorem aut fructum Sacramenti?  
Respondeo negativè. Ac proindè validum,  
& fructuosum est Sacramentum collatum à Sa-  
cerdote impio, aut etiam in hæresim prolapso,  
si suscipiens ex parte sua sit ritè dispositus.

Probatur ex Trid. sess. 7 c. 6. & 7. ubi decla-  
rat Sacra menta semper conferre gratiam non  
ponentibus obicem. Collata autem ab hæreti-  
cis Sacra menta esse valida, & non iteranda de-  
finivit Ecclesia contrà S. Cyprianum, qui olim  
contrarium errorem tuebatur.

Neque refert quod hæretici non sint vera  
Membra Ecclesiæ: quia administrando Sacra-  
menta non agunt tanquam membra, sed tan-  
quam instrumenta externa, quorum ministe-  
rium placuit Ecclesiæ usurpare, ut subveniret  
fidelium necessitatē.

§. 3. De Effectibus Sacramentorum, & modo quo  
causantur.

**D**ico primò: Omnia Sacra menta novæ le-  
gis causant gratiam ex opere operato. Di-  
citur gratia, aut alijs effectus, causari ex opere  
operato, quando confertur ex vi operis externi  
procedentis ab alio quam à suscipiente Sacra-  
mentum, sicut fit in Baptismo infantium. Di-  
citur autem gratia causari ex opere operantis, quan-  
do datur ex vi actus interni meritorii qui elici-  
tur ab ipso operante.

Thesis hæc asseritur à Trid. sess. 7. Can. 81. Er-  
patet ex eo, quod Sacra menta agant non tan-  
quam ut opus Ministri, sed multò magis ut opus  
Christi, qui voluit suo nomine per Ministros Sa-  
cra menta conferri, ut ex suis meritis actu positi-  
vis operentur. Unde sicut eleemosyna collata à

O 6 famulo